

四庫全書

史部

欽定四庫全書

史部

水經注卷十五

詳校官監察御史臣周元良

刑部郎中臣許兆椿覆勘

總校官庶吉士臣何思鈞

校對官中書臣王鍾泰

謄錄監生臣崔鶴立

欽定四庫全書

水經注卷十五

魏 酈道元 撰

洛水

伊水

瀍水

澗水

洛水出京兆上洛縣謹舉山

地理志曰洛出冢嶺山山海經曰出上洛西山又曰

謹舉之山洛水出焉東與丹水合水出西北竹山東

南流注于洛洛水又東尸水注之

案此八字原本及近刻並訛作經尸

近刻訛作
戶下同

水北發尸山

案發上近刻行出字

南流入洛洛水又

東得乳水

案此七字原本及近刻竝訛作經

水北出良餘山南流注

于洛

案流近刻訛作南

洛水又東會于龍餘之水

案此十字原本及近

刻竝訛作經

水出蠱尾之山

案蠱近刻訛作蟲

東流入洛洛水又

東

案近刻脫一洛字

至陽虛山合玄扈之水山海經曰洛水

東北流注于玄扈之水

案近刻脫此十五字

是也又曰自鹿蹠

之山以至玄扈之山凡九山玄扈亦山名也而通與

謹舉為九山之次焉故山海經曰此二山者洛間也

是知玄扈之水出于玄扈之山蓋山水兼受其目矣

其水逕于陽虛之下山海經又曰

案又字近刻訛在日字下

陽虛

之山臨于玄扈之水是為洛汭也河圖玉版曰倉頡

為帝南巡登陽虛之山臨于玄扈洛汭之水靈龜負

書丹甲青文以授之即于此水也洛水又東歷清池

山

案此句之下近刻有傍字

東合武里水水南出武里山東北流

注于洛洛水又東波水出焉

案此八字原本及近刻並訛作經

爾雅

所謂洛別為波也洛水又東要水入焉水南出三要

山東北逕拒陽城西而東北流入於洛洛水又東與

獲水合水南出獲輿山

案輿近刻訛作輿下同

俗謂之備水也

東北逕獲輿川世名之為卻川東北流注于洛洛水

又東逕熊耳山北禹貢所謂導洛自熊耳

案此十八字原本截

上十五字訛作經下三字仍屬注文近刻截上九字訛作經下九字仍屬注文

博物志曰洛

出熊耳蓋開其源者是也

東北過盧氏縣南

洛水逕鴈渠關北

案此七字原本及近刻並訛作經又近刻鴈作陽下同

鴈渠

水南出鴈渠山

案南出近刻訛作出南

即荀渠山也其水一源

兩分川流半解一水西北流屈而東北入于洛山海經曰熊耳之山浮豪之水出焉西北流注于洛疑即是水也荀渠蓋熊耳之殊稱若太行之歸山也故地說曰熊耳之山地門也洛水出其間是亦總名矣其一水東北逕鴈渠城西故關城也其水東北流注于

洛洛水又東逕盧氏縣故城南

案此十一字原本及近刻竝訛

作竹

書紀年晉出公十九年晉韓龍取盧氏城

案龍今竹書紀年作

龐又近別脫
取盧二字

王莽之昌富也有盧氏川水注之水北

出盧氏山東南流逕盧氏城東東南流注于洛

案近刻脫

一東字南
訛作而

洛水又東翼合三川

案翼上近
刻衍龍字

竝出縣之

南山東北注洛開山圖曰盧氏山宜五穀可避水災

亦通謂之石城山山在宜陽山西南千名之山咸處

其內陵阜原隰

案近刻
訛作險

易以度身者也又有葛蔓谷

水自南山流注洛水洛水又東逕高門城南即宋書

所謂後軍外兵龐李明入盧氏進達高門木城者也

洛水東與高門水合

案此八字原本及近刻並訛作經

水出北門東

南流合洛水枝津水上承洛水東北流逕石勒城北

又東逕高門城北東入高門水亂流南注洛洛水又

東松陽溪水注之

案陽近刻訛作楊下同又此十字原本及近刻並訛作經

水出

松陽山北流注于洛洛水又東逕黃亭南又東合黃

亭溪水

案亭近刻作城

水出鵜鵠山山有二峰峻極于天高

崖雲舉亢石無階援徒喪其捷巧隄族謝其輕工及

其長霄冒嶺層霞冠峰方乃就辨優劣耳故有大小

鵜鴈之名矣溪水東南流歷亭下謂之黃亭溪水又東南入于洛水洛水又東得荀公溪口

紫溪近刻訛作漢

水

出南山荀公澗

紫近刻脫公字

即龐季明所入荀公谷者也

其水歷谷東北流注于洛水洛水又東逕檀山南其

山四絕孤峙山上有塢聚俗謂之檀山塢義熙中劉

公西入長安舟師所届次于洛陽命參軍戴延之

紫軍

近刻訛作將

與府舍人虞道元即舟邈流窮覽洛川欲知

水軍可至之處延之届此而返竟不達其源也洛水

又東庫谷水注之

案此九字原本及近刻並訛作經

水自宜陽山南

三川竝發合為一溪東北流注于洛洛水又東得鵜

鵠水口水北發鵜鵠澗

案北發近刻訛作發北

東南流入于洛

洛水又逕僕谷亭北左合北水水出北山東南流注

于洛洛水又東侯谷水出南山北流入于洛洛水又

東逕龍驤城北龍驤將軍王鎮惡從劉公西入長安

陸行所由

案行近刻訛作徑

故城得其名洛水又東左合宜

陽北山水水自北溪南流注洛洛水又東廣由澗水

注之水出南山由溪北流逕龍驤城東而北流入于洛洛水又東右得直谷水水出南山北逕屯城西北流注于洛水也

又東北過蠡城邑之南

城西有塢水

案近刻脫有字

出北四里山上原高二十五丈

故黽池縣治南對金門塢水南五里舊宜陽縣治也洛水右會金門溪水水南出金門山北逕金門塢西北流入于洛洛水又東合款水其水

案此二字近二刻作一有字

源竝發兩川逕引謂之大款水也合而東南入于洛

洛水又東黍良谷水入焉

紫良近刻訛作良

水南出金門山

開山圖曰山多重固在韓

紫山下近刻衍出字

建武二年强弩

大將軍陳俊

紫大近刻訛作偏

轉擊金門白馬皆破之即此

也而東北流注于洛洛水又東左合北溪南流入于

洛也

又東過陽市邑南又東北過于父邑之南

太陰谷水南出太陰溪北流注于洛洛水又東合白

馬溪水水出宜陽山澗有大石厥狀似馬故溪澗以

物色受名也溪水東北流注于洛

案東下近刻衍又字

洛水又

東有昌澗水注之水出西北宜陽山而東南流逕宜

陽故郡南舊陽市邑也故洛陽都典農治此後改為
郡其水又南注于洛洛水又東逕一合塢南城在川

北原上高二十丈南北東三箱天險峭絕惟築西面

即為固

案固上近刻有合字

一合之名起於是矣劉曜之將攻

河南也晉將軍魏該奔于此故于父邑也洛水又東

合杜陽澗水

案陽近刻訛作楊下同

水出西北杜陽溪東南逕

一合塢東與槃谷水合亂流東南入洛洛水又東渠

谷水出宜陽縣南女几山

案此十五字原本及近刻截上六字訛作經下九字

仍屬注文

東北流逕雲中塢左上迢遰層峻

案左近刻訛作在

流

煙半垂纓帶山阜故塢受其名渠谷水又東北入洛

水

案近刻脫渠谷二字

臧榮緒晉書稱孫登嘗經宜陽山作炭

人見之與語登不應作炭者覺其精神非常咸共傳

說太祖聞之使阮籍往觀與語亦不應籍因大嘯登

笑曰復作向聲又為嘯求與俱出登不肯籍因別去
登上峰行且嘯如簫韶笙簧之音聲振山谷籍怪而
問作炭人作炭人曰故是向人聲籍更求之不知所
止推問久之乃知姓名余按孫綽之叙高士傳言在
蘇門山又別作登傳孫盛魏春秋亦言在蘇門山又
不列姓名既嗣宗感之著大人先生論言吾不知其
人既神遊自得不與物交阮氏尚不能動其英操復
不識何人而能得其姓名

又東北過宜陽縣南

洛水之北有熊耳山雙巒競舉狀同熊耳此自別山
不與禹貢導洛自熊耳同也昔漢光武破赤眉樊崇
積甲仗與熊耳平即是山也山際有池池水東南流
水側有一池世謂之澠池矣又東南逕宜陽縣故城
西謂之西度水又東南流入于洛洛水又東逕宜陽
縣故城南

案此十一字原本及近刻並訛作經

秦武王以甘茂為左丞

相曰寡人欲通三川窺周室死不朽矣茂請約魏以

攻韓斬首六萬遂拔宜陽城故韓地也後乃縣之漢
哀帝封息夫躬為侯國城之西門赤眉樊崇與盆子
及大將等奉璽綬劒壁處世祖不即見明日陳兵于
洛水見盆子等謂盆子丞相徐宣曰不悔乎宣曰不
悔上歎曰卿庸中皦皦鐵中錚錚也洛水又東與厭
染之水合案染近刻訛作梁水出縣北傳山大陂山無草木
其水自陂北流屈而東南注世謂之五延水又東南
流逕宜陽縣故城東東南流注于洛洛水又東南黃

中澗水出北阜二源竒發總成一川東流注于洛洛

水又東祿泉水注之

紫近刻脫水字

其水北出近溪

紫近刻訛作近

出北溪

洛水又東共水入焉水北出長石之山山無草

木其西有谷焉厥名共谷共水出焉南流得尹溪口

水出西北尹谷東南注之共水又西南與左澗水會

紫共水又西南與近刻訛作其水右與西南

水東出近川西流注于共水

共水又南與李谷水合水出西北李溪東南注蓁水

蓁水發源蓁谷西南流與李谷水合而西南流入共

水共水世謂之石頭泉

紫近刻脫之字

而南流注于洛洛水

又東黑澗水南出陸渾西山歷于黑澗西北入洛洛

水又東臨亭川水注之水出西北近溪東南與長澗

水會

紫與下近刻衍湖字

水出北山南入臨亭水又東南歷九

曲西而南入洛水也

又東北出散關南

洛水東逕九曲南其地十里有坡九曲穆天子傳所

謂天子西征升于九阿此是也洛水又東與豪水會

水出新安縣密山南流歷九曲東而南流入于洛洛

水之側有石墨山山石盡黑可以書疏故以石墨名

山矣洛水又東枝瀆左出焉

案此九字原本及近刻竝訛作經

東出

闕絕惠水又逕清女冢南冢在北山上耆舊傳云斯

女清貞秀古跡表來今矣枝瀆又東

案枝近刻訛作故下同

逕

周山上有周靈王冢皇覽曰周靈王葬于河南城西

南周山上蓋以王生而神故諡曰靈其冢人祠之不

絕又東北逕柏亭南皇覽曰周山在柏亭西北

案此近刻

訛作柏

謂斯亭也又東北逕三王陵東北出

案此下近刻衍焉字

三王或言周景王悼王定王也魏司徒公崔浩注西
征賦云定當為敬子朝作難西周政弱人荒悼敬二
王與景王俱葬于此故世以三王名陵帝王世紀曰
景王葬于翟泉今洛陽太倉中冢是也而復傳言
在此所未詳矣又悼敬二王稽諸史傳復無葬處今
陵東有石碑錄赧王以上世王名號考之碑記周墓
明矣枝瀆東北歷制鄉逕河南縣王城西歷邾鄆陌

杜預釋地曰縣西有邾鄆陌謂此也枝瀆又北入穀
蓋經始周啓瀆久廢不脩矣洛水自枝瀆又東出關
惠水右注之世謂之八關水戴延之西征記謂之八
關澤即經所謂散關鄣自南山橫洛水北屬于河皆
關塞也即楊僕家僮所築矣惠水出白石山之陽東
南流與瞻水合水東出婁涿之山而南流入惠水惠
水又東南謝水北出瞻諸之山東南流又有交觸之
水北出廐山南流俱合惠水惠水又南流逕關城北

紫城北近刻
訛作北城

二十里者也

紫此有脫誤

其城西阻塞垣東

枕惠水

紫枕近刻訛作抗

靈帝中平元年以河南尹何進為

大將軍率五營士屯都亭

紫近刻脫率字

置函谷廣城伊闕

大谷輶轅旋門小平津孟津等八關

紫函谷下近刻衍闕字闕亦訛

作闕復脫小字

都尉官治此函谷為之首在八關之限故世

人總其統目有八關之名矣其水又南流入于洛水

山海經曰白石之山惠水出其陽而南流注于洛謂

是水也洛水又與醵水會水出扶豬之山

紫扶豬近刻訛作林

楮北流注于洛水之南

紫之近刻作其

則鹿蹠之山也世謂

之非山

紫此下近刻衍也字

其山陰則峻絕百仞陽則原阜隆

平甘水發于東麓北流注于洛水也

又東北過河南縣南

周書稱周公將致政乃作大邑成周于中土南繫于

洛水北因于郊山以為天下之大湊孝經援神契曰

八方之廣周洛為中謂之洛邑竹書紀年晉定公二

十年洛絕于周魏襄王九年洛入成周山水大出南

有甘洛城郡國志所謂甘城也

案志下近刻衍日字

地記曰洛

水東北過五零陪尾北與澗瀍合是二水東入千金渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦惟洛食其城方七百二十丈南繫于洛水北因于邙山

以為天下之湊方六百里因西八百里

案近刻脫此三字

為

千里春秋昭公三十二年

案近刻訛作二十三年

晉合諸侯大

夫成成周之城故亦曰成周也司馬遷自序云

案近刻脫

司馬二字

太史公留滯周南摯仲治曰古之周南今之洛

陽漢高祖始欲都之感婁敬之言不日而駕行矣屬

光武中興宸居洛邑逮于魏晉咸兩宅焉故魏略曰

漢火行忌水故去其水而加佳魏為土德土水之牡

也水得土而流土得水而柔除佳加水長沙耆舊傳

云祝良字名卿

案名近刻訛作石

為洛陽令歲時亢旱天子

祈雨不得良乃曝身階庭告誠引罪自晨至中

案近刻作

午紫雲水起

紫近刻作沓起

甘雨登降人為歌曰天久不雨

烝人失所天王自出祝令特苦精符感應滂沱下雨

則縣司及河南尹治司隸周官也漢武帝使領徒隸

董督京畿後因名司州焉

紫近刻脫後字

地記曰洛水東入

于中提山間東流會于伊是也昔黃帝之時天大霧

三日帝遊洛水之上見大魚殺五牲以醺之天乃甚

雨七日七夜魚流始得圖書今河圖視萌篇是也昔

王子晉好吹鳳笙招延道士與浮丘同遊伊洛之浦

案與字近刻訛在道字上

含始又受玉雞之瑞于此水亦洛神宓妃之所在也洛水又東合水南出半石之山北逕合水塢而東北流注于公路澗但世俗音譌號之曰光祿澗非也上有袁術固四周絕澗迢遞百仞廣四五里有一水淵而不流故溪澗即其名也合水北與劉水合水出半石東山西北流逕劉聚

案逕近刻訛作于

三面

臨澗在緄氏西南周畿內劉子國故謂之劉澗其水

西北流注于合水合水又北流注于洛水也

又東過偃師縣南

洛水東逕計素渚中朝時百國貢計所頓故渚得其

名又直偃師故縣南

紫直近刻訛作東

與緱氏分水又東休

水自南注之其水導源少室山西流逕穴山南而北

與少室山水合水出少室北溪西南流注休水休水

又左會南溪水水發大穴南山北流入休水休水又

西南北屈潛流地下其故瀆北屈出峽謂之大穴口

北歷覆釜堆東蓋以物象受名矣又東屈零星塢水

流潛通重源又發側維氏原開山圖謂之維氏山也

亦云仙者升焉言王子晉控鵠斯阜

紫鵠近刻作鶴

靈王望

而不得近舉手謝而去其家得遺屐俗亦謂之為撫

父堆堆上有子晉祠或言在九山非此世代已遠

紫此

下近刻有矣字

莫能辨之劉向列仙傳云世有簫管之聲焉

休水又逕延壽城南維氏縣治故滑費春秋滑國所

都也王莽更名中亭即維氏城也城有仙人祠謂之

仙人觀休水又西轉北屈逕其城西水之西南有司

空密陵元侯鄭袤廟碑

紫元近刻訛作光脫袤字

文缺不可復識

又有晉城門校尉昌原恭侯鄭仲林碑晉泰始六年

立

紫泰近刻訛作皇

休水又北流注于洛水洛水又東逕百

谷塢北戴延之西征記曰塢在川南因高為塢高十

餘丈劉武王西入長安舟師所保也

紫保近刻訛作堡

洛水

又北陽渠水注之

紫此九字原本及近刻並訛作經

竹書紀年晉襄

公六年洛絕于洵即此處也洛水又北逕偃師城東

東北歷鄆中水南謂之南鄆

紫此下近刻有中水之南鄆五字係衍文

亦

曰上鄆也逕訾城西司馬彪所謂訾聚也而鄆水注之水出北山鄆溪其水南流世謂之溫泉水水側有

僵人穴

案僵近刻訛作重

穴中有僵尸戴延之從劉武王西

征記曰有此尸尸今猶在夫物無不化之理魄無不

遷之道

案魄近刻作魂

而此尸無神識事同木偶之狀喻其

推移未若正形之速遷矣鄆水又東南于訾城西北東入洛水故京相璠曰今輦洛渡北有鄆谷水東入洛謂之下鄆故有上鄆下鄆之名亦謂之北鄆于是

有南鄆北鄆之稱矣又有鄆城蓋周大夫鄆肸之舊

邑

紫肸近刻訛作肸下同

洛水又東逕訾城北又東羅水注之

紫此十四字原本及近刻竝訛作經

水出方山羅川西北流蒲池水注

之水南出蒲陂

紫近刻脫水字訛作出南蒲陂

西北流合羅水謂之

長羅川

紫近刻訛作長川羅

亦曰羅中也蓋肸子鄆羅之宿居

故川得其名耳羅水又西北白馬溪水注之水出嵩

山北麓逕白馬塢東而北入羅水西北流白桐澗水

注之

紫桐近刻訛作相下同

水出嵩麓桐溪北流逕九山東又

北九山溪水入焉

葉山下近
刻行東字

水出百稱山東谷其山

孤峰秀出嵯峨分立伸長統曰昔密有卜成者

葉卜
成近

刻訛作
十城

身遊九山之上放心不拘之境謂是山也山

際有九山廟廟前有碑云九顯靈府君者太華之元

子陽九列名號曰九山府君也南據嵩岳北帶洛澗

晉元康二年九月太歲在戌

葉此有脫誤近刻作太
歲庚午考元康二年乃

壬子也

帝遣殿中中郎將闕內侯樊廣維氏令王與主

簿傳演

葉近刻脫主簿
二字傳訛作傳

奉宣詔命興立廟殿焉又有

百蟲將軍顯靈碑碑云將軍姓伊氏諱益字隤散帝
高陽之第二子伯益者也晉元康五年七月七日順
人吳義等建立堂廟永平元年二月二十日刻石立
頌贊示後賢矣其水東北流入白桐鄉又北逕袁公
塢東蓋公路始固有此也故有袁公之名矣北流注
于羅水羅水又西北逕袁公塢北又西北逕潘岳父
子墓前有碑岳父茆瑯琊太守碑石破落文字缺敗
岳碑題云給事黃門侍郎潘君之碑碑云君遇孫秀

之難闔門受禍故門生感覆醢以增感乃樹碑以記
事太常潘尼之辭也羅水又于訾城東北入于洛水
也

又東北過鞏縣東又北入于河

洛水又東明樂泉水注之水出南原下三泉竝導故
世謂之五道泉即古明溪泉也春秋昭公二十二年
師次于明溪者也洛水又東逕鞏縣故城南東周所
居也本周之畿內鞏伯國也春秋左傳所謂尹文父

涉于輦即于此也洛水又東濁水注之即古黃水也

案黃近刻訛作湟

水出南原京相璠曰訾城北三里有黃亭

即此亭也春秋所謂次于黃者也洛水又東北泂水

發南溪石泉

案泂近刻訛作洞下同

世亦名之為石泉水也京

相璠曰輦東地名坎飲在泂水東疑即此水也又逕

盤谷塢東世又名之曰盤谷水

案盤近刻訛作鹽

司馬彪郡

國志輦有坎飲聚春秋僖公二十四年王出及坎飲服虔亦以為輦東邑名也今考厥文若狀焉而不能

精辨耳晉太康地記晉書地道記並言在鞏西非也

其水又北入洛洛水又東北流入于河

案此九字原本及近刻並

訛作經

山海經曰洛水成臯西入河是也謂之洛汭即

什谷也故張儀說秦曰下兵三川塞什谷之口謂此

川也史記音義曰鞏縣有鄆谷水者也黃帝東巡河

過洛脩壇沈璧受龍圖于河龜書于洛赤文綠字

案綠

近刻訛作篆

堯帝又脩壇河洛擇良即沈

案近刻脩記作循即作議

榮

光出河休氣四塞白雲起迴風逝赤文綠色廣袤九

尺負理平上有列星之分七政之度

案七近刻訛作什

帝王

錄記興亡之數以授之堯

案近刻脫堯字

又東沈書于日稷

赤光起玄龜負書背甲赤文成字遂禪于舜舜又習

堯禮

案禮近刻作祀

沈書于日稷赤光起玄龜負書至于稷

下榮光休至黃龍卷甲舒圖壇畔赤文綠錯以授舜

舜以禪禹殷湯東觀于洛習禮堯壇降璧三沈榮光

不起黃魚雙躍出濟于壇黑鳥以浴隨魚亦上化為

黑玉赤勒之書黑龜赤文之題也湯以伐桀故春秋

說題辭曰河以道坤出天苞洛以流川吐地符王者
沈禮焉竹書紀年曰洛伯用與河伯馮夷鬪蓋洛水
之神也昔夏太康失政為羿所逐其昆弟五人須于
洛汭作五子之歌于是地矣

伊水出南陽魯陽縣西蔓渠山

案近刻脫
魯陽二字

山海經曰蔓渠之山伊水出焉淮南子曰伊水出上
魏山地理志曰出熊耳山即麓大同陵巖互別耳伊
水自熊耳東北逕鸞川亭北茲水出茲山北流際其

城東而北入伊水世人謂伊水為鸞水叢水為交水故名斯川為鸞川也又東為淵潭潭渾若沸亦不測其深淺也伊水又東北逕東亭城南又屈逕其亭東東北流者也

東北過郭落山

陽水出陽山陽溪世人謂之太陽谷水亦取名焉東流入伊水伊水又東北鮮水入焉水出鮮山北流注于伊伊水又與蠻水合水出盧氏縣之蠻谷東流入

于伊

又東北過陸渾縣南

山海經曰瀟瀟之水出于釐山南流注于伊水今水出陸渾縣之西南王母澗澗北山上有王母祠故世因以名溪東流注于伊水即瀟瀟之水也伊水歷崖口山峽也翼崖深高壁立若闕崖上有塢伊水逕其下歷峽北流即古三塗山也杜預釋地曰山在縣南闕駟十三州志云山在東南今是山在陸渾故城東

南八十許里周書武王問太公曰吾將因有夏之居

南望過于三塗北瞻望于有河

案近刻脫此
二十七字

春秋昭

公四年司馬侯曰四嶽三塗陽城太室荊山中南九

州之險也服虔曰三塗大行轅轅澠

案近刻
作澠

非南

望也京相璠著春秋土地名

案近刻
脫土字

亦云山名也以

服氏之說

案近刻作服
氏之言云

塗道也準周書南望之文或

言宜為轅轅大谷伊闕

案近刻或訛作
服谷訛作道

皆為非也春

秋晉伐陸渾請有事于三塗知是山明矣有七谷水

注之水西出女儿山之南七溪山

案几宋本作机
近刻訛作桃

上

有西王母祠東南流注于伊水又北蚤谷水注之水
出女儿山之東谷東逕故亭南東流入于伊水伊水
又東北逕伏流嶺東嶺上有崑崙祠民猶祈焉劉澄
之永初記稱陸渾縣西有伏流坡者也今山在縣南
崖口北三十里許西則非也北與溫泉水合水出新
城縣之狼臯山西南阜下

案狼臯山
近刻作
狼臯山之西

西南流

會于伊水伊水又東北逕伏睹嶺左納焦澗水水西

出鹿麇山

案麇近刻訛作麇

東流逕孤山南

案近刻脫逕字

其山介

立豐上單秀孤峙故世謂之方山即劉中書澄之所

謂縣有孤山者也東歷伏睹嶺南東流注于伊伊水

又東北涓水注之水出陸渾西山即陸渾都也

案陸渾下

近刻衍山字都訛作者

尋郭文之故居訪胡昭之遺像世去不

停莫識所在其水有二源俱導而東注號略在陸渾

縣西九十里也司馬彪郡國志曰縣西號略地

案近刻訛

池作春秋所謂東盡號略者也北水東流合侯澗水

出西北侯溪

案水近刻作澗

東南流注于渭水渭水又東逕

陸渾縣故城北平王東遷辛有適伊川見有被髮而

祭于野者曰不及百年此其戎乎魯僖公二十二年

秦晉遷陸渾之戎于伊川

案秦近刻訛作秦

故縣氏之也渭

水東南流左合南水水出西山七谷亦謂之七谷水

阻澗東逝

案阻近刻作祖

歷其縣南又東南左會北水亂流

左合禪渚水

案水近刻訛作渚

水上承陸渾縣東禪渚渚在

原上

案在近刻訛作左

陂方十里佳饒魚葦即山海經所謂

南望禪渚禹父之所化郭景純注云禪一音暖

案一字近

刻訛在禪字上

鯨化羽淵而復在此然已變怪亦無往而不

化矣世謂此澤為慎望陂陂水南流注于涓水

案近刻訛

作涓陽水下同

涓水又東南注于伊水昔有莘氏女采桑于

伊川得嬰兒于空桑中言其母孕于伊水之濱夢神

告之曰白水出而東走毋明視而見白水出焉告其

鄰居而走顧望其邑咸為水矣其母化為空桑子在

其中矣莘女取而獻之命養于庖長而有賢德

案長而近

刻訛作而長殷以為尹曰伊尹也

又東北過新城縣南

馬懷橋長水出新城西山東逕晉使持節征南將軍

宗均碑南

案宗近刻訛作宋

均字文平縣人也其碑太始三

年十二月立其水又東流入于伊又有明水出梁縣

西狼臯山

案近刻作狼臯山

俗謂之石澗水也西北流逕楊

亮壘南西北合康水水亦出狼臯山東北流逕范塢

北與明水合

案近刻此下衍北汶二字

又西南流入于伊山海經

曰放臯之山明水出焉南流注于伊水是也伊水又與大乾水會水出梁縣西有二源北水出廣成澤西南逕楊志塢北與南水合水源南出廣城澤西流逕

陸渾縣南

案近刻訛作西流陸渾

河南十二縣境簿曰

案近刻脫境字

廣城澤在新城縣界黃阜西北流屈而東逕楊志塢

南

案近刻脫志字

又北屈逕其塢東又逕塢北同注老倒澗

俗謂之老倒澗水西流入于伊伊水又北逕新城東

與吳澗水會水出縣之西山東流南屈逕其縣故城

西又東轉逕其縣南故蠻子國也縣有鄆聚今名蠻

中是也漢惠帝四年置縣其水又東北流注于伊水

伊水又北逕當階城西

案近刻訛作又逕西北當階城西

大狂水入

焉水東出陽城縣之大苦山

案近刻訛作大苦口

山海經曰大

苦之山多瑋瑋之玉其陽狂水出焉西南流其中多

三足龜人食之者無大疾可以已腫狂水又西逕綸

氏縣故城南竹書紀年曰楚吾得帥師及秦伐鄭圍

綸氏者也左與倚薄山水合水北出倚薄之山南逕

黃城西又南逕綸氏縣故城東

案近刻脫縣字

而南流注于

狂水狂水又西八風溪水注之水北出八風山南流

逕綸氏縣故城西

案近刻脫縣故二字

西南流入于狂水狂水

又西得三交水口水有三源

案三近刻訛作二

各尊一溪竝

出山南流合舍

案此四字近刻訛作南合流三字

故世有三交之名

也石上菖蒲一寸九節為藥最妙服久化僊

案近刻脫此十

六其水西南流注于狂水狂水又西逕岳高山北西

南與湮水合水出東北湮谷西南流逕武林亭東北

又屈逕其亭南其水又西南逕湮陽亭東蓋藉水以名亭也又東南流入于狂狂水又西逕湮陽城南又西逕當階城南而西流注于伊伊水又北土溝水出

玄望山西

案山西近刻訛作西山

東逕玄望山南又東逕新城

縣故城北東流注于伊水伊水又北板橋水入焉水出山西東流入于伊水伊水又北會厭澗水水出西山東流逕邠垂亭南春秋左傳文公十七年秋周甘斃敗戎于邠垂者也服虔曰邠垂在高都南杜預釋

地曰河南新城縣北有邠垂亭司馬彪郡國志曰新

城有高都城今亭在城南七里遺基存焉

案近刻作猶在

京

相璠曰舊說言邠垂在高都南今上黨有高都縣余

謂京論疎遠未足以證無如虔說之指密矣

案如虔近刻訛

作知其水又東注于伊水伊水又北逕高都城東徐

廣史記音義曰今河南新城縣有高都城竹書紀年

梁惠成王十七年東周與鄭高都利者也又來儒之

水

案儒近刻作需

出于半石之山西南流逕斌輪城北西歷

艾澗以其水西流

案水字近刻訛在以其上

又謂之小狂水也其

水又西南逕大石嶺南開山圖所謂大石山也山下有大石嶺碑河南隱士通明以漢靈帝中平六年八月戊辰于山堂立碑文字淺鄙殆不可尋魏文帝獵于此山虎超乘輿孫禮拔劍投虎于是山山在洛陽南而劉澄之言在洛東北非也山阿有魏明帝高平陵王隱晉書曰惠帝使校尉陳總仲元詣洛陽山請雨總盡除小祀惟存大石而祈之七日大雨即是山

也來儒之水又西南逕赤眉城南又西至高都城東
西入伊水謂之曲水也

又東北過伊闕中

伊水逕前亭西左傳昭公二十二年

案近刻訛作三十二年

晉

箕遺樂徵右行詭濟師取前城者也

案說近刻訛作跪

京相

璠曰今洛陽西南五十里伊闕外前亭矣服虔曰前

讀為泉周地也伊水又北入伊闕昔大禹疏以通水

兩山相對望之若闕伊水歷其間北流故謂之伊闕

矣春秋之闕塞也

案近刻作焉

昭公二十六年趙鞅使女

寬守闕塞是也陸機云洛有四闕斯其一焉東巖西

嶺竝鐫石開軒高甍架峰西側靈巖下泉流東注入

于伊水傳毅反都賦曰因龍門以暢化開伊闕以達

聰也闕左壁有石銘云黃初四年六月二十四日辛

巳大出水舉高四丈五尺齊此已下蓋記水之漲減

也

案減近刻訛作減

右壁又有石銘云

案右近刻訛作石

元康五年

案元康近刻訛作永康

河南府君循大禹之軌部督郵辛曜新

城令王琨部監作掾董猗李褒斬岸開石平通伊闕
石文尚存也

又東北至洛陽縣南北入于洛

伊水自闕東北流枝津右出焉

紫近刻枝訛作之

東北引溉

東會合水同注公路澗入于洛今無水戰國策曰東

周欲為田西周不下水蘇子見西周君曰今不下水

所以富東周也民皆種他種欲貧之

案貧近刻訛作食

不如

下水以病之東周必復種稻種稻而復奪之是東周

受命于君矣

紫近刻
脫命字

西周遂下水即是水之故渠也

伊水又東北枝渠左出焉水積成湖北流注于洛今

無水

紫近刻記
作合伊水

伊水又東北至洛陽縣南逕園丘東

大魏郊天之所準漢故事建之後漢書郊祀志曰

紫近

刻脫
後字

建武二年初制郊兆于洛陽城南七里為圜壇

八陛中又為重壇天地位其上皆南向其外壇上為

五帝位其外為壇重營皆紫以像紫宮按禮天子大

裘而冕祭皐天上帝于此今衮冕也壇壇無復紫矣

伊水又東北流注于洛水廣志曰鯢魚聲如小兒唬

紫近刻
脫唬字

有四足形如鯢鱧

紫近刻
脫鯢字

可以治牛出伊水

也司馬遷謂之人魚故其著史記曰始皇帝之葬也

以人魚膏為燭徐廣曰人魚似鮎而四足即鯢魚也

澧水出河南穀城縣北山

縣北有替亭

紫替近刻
訛作潛

澧水出其北梓澤中梓澤地

名也澤北對原阜即裴氏墓塋所在碑闕存焉其水

歷澤東南流水西有一源其上平敞古替亭之處也

案替近刻
訛作舊

即潘安仁西征賦所謂越街郵者也

東與千金渠合

周書曰我卜灋水西謂斯水也東南流水西南有帛
仲理墓墓前有碑題云真人帛君之表仲理名護益
州巴郡人晉永寧二年十一月立灋水又東南流注
于穀穀水自千金塢東注謂之千金渠也

又東過洛陽縣南又東過偃師縣又東入于洛
澗水出新安縣南白石山

山海經曰白石之山惠水出于其陽東南注于洛澗水出于其陰北流注于穀世謂是山曰廣陽山水曰赤岸水亦曰石子澗地理志曰澗水在新安縣東南

入洛

案近刻在作出南下行東字

是為密矣東北流歷函谷東坂

東謂之八特阪

案後穀水注內摯仲治三輔決錄至我卜澗水東者是也原本及近刻竝

訛在此下又其上引山海經之文截取山海經曰北流注于穀九字重出于此今訂正

東南入于洛

孔安國曰澗水出澗池山今新安縣西北有一水北

出澠池界東南流逕新安縣而東南流入于穀水安
國所言當斯水也然穀水出澠池下合澗水得其通
稱或亦指之為澗水也竝未之詳耳

案近刻訛
作詳之耳

今孝

水東十里有水世謂之慈澗又謂之澗水按山海經
則少水也而非澗水蓋習俗之誤耳又按河南有離
山水謂之為澗水水西北出離山東南流

案此下近
刻有注于

離山澗水也又東南流共十
一字係上下訛舛致衍

歷郊山于穀城東而南

流注于穀舊與穀水亂流

案此下近刻
衍流同二字

南入于洛今

穀水東入千金渠澗水與之俱東入洛矣或以是水

竝為周公之所相卜也呂忱曰今河南死水

案穀水注云南

出為死穀北
出為湖溝

疑其是此水也

案是下近
刻衍即字

然意所未詳

故竝書存之耳

水經注卷十五

欽定四庫全書

水經注卷十六

魏 酈道元 撰

穀水 甘水 漆水

漣水 沮水

穀水出弘農黽池縣南墻塚林穀陽谷

山海經曰傳山之西有林焉曰墻塚穀水出焉東流
注于洛其中多瑀玉今穀水出千嶠東馬頭山穀陽

谷

案千近刻訛作于

東北流歷黿池川本中鄉地也漢景帝

中二年

案近刻脫中字二訛作三

初城徙萬戶為縣

案近刻脫城字縣字

因

峭黿之池以目縣焉亦或謂之彭池故徐廣史記音

義曰黿或作彭穀水出處也

案近刻脫出字

穀水又東逕秦

趙二城南司馬彪續漢書曰赤眉從黿池自利陽南

欲赴宜陽者也世謂之俱利城耆彥曰

案彥近刻訛作嘑

昔

秦趙之會各據一城秦王使趙王鼓瑟蘭相如令秦

王擊缶處也馮異又破赤眉于是川矣故光武璽書

曰始雖垂翅回溪終能奮翼黿池可謂失之東隅

紫近

刻作隅

收之桑榆矣穀水又東逕土嶠北所謂三嶠也

紫三近刻作二

穀水又東左會北溪溪水北出黿池山東南

流注于穀

紫南近刻訛作西

疑即孔安國所謂澗水也穀水

又東逕新安縣故城南北夾流而西接嶠黿昔項羽西入秦坑降卒二十萬于此國滅身亡宜矣穀水又

東逕千秋亭南其亭累石為垣世謂之千秋城也

紫近

刻脫千秋二字

潘岳西征賦曰亭有千秋之號子無七旬之

期謂是亭也又東逕雍谷溪回岫縈紆石路阻峽故

亦有峽石之稱矣穀水歷側

案穀近刻訛作晉

左與北川水

合水有二源竝導北山東南流合成一水自乾注巽

入于穀穀水又東逕缺門山山阜之不接者里餘故

得是名矣二壁爭高斗聳相亂西瞻雙阜右望如砥

穀水自門而東

案門上通刻衍缺字

廣陽川水注之水出廣陽

北山東南流注于穀南望微山雲峰相亂穀水又逕

白超壘南

案朱謀瑋云當作白超考元和志白超壘一名白超塢漢末黃巾賊起白超築此壘

以自固朱氏說非也戴延之西征記云次至白超壘去函谷十

五里築壘當大道左右有山夾立案近刻訛相去百

餘步從中出北乃故關城非所謂白超壘也是壘在

缺門東十五里壘側舊有塢故治官所在案治官近刻訛作治

官魏晉之日引穀水為水治案近刻訛作治以經國用遺跡

尚存案近刻訛作有穀水又東石默溪水出微山東麓石默

溪東北流入于穀穀水又東宋水北流注于穀穀水

又東逕魏將作大匠毋丘興墓南案興下近刻衍盛字下同二碑

存焉儉父也管輅別傳曰輅嘗隨軍西征過其墓而
歎謂士友曰玄武藏頭青龍無足白虎銜尸朱雀悲
哭四危已備法應滅族果如其言穀水又東逕函谷
關南東北流阜澗水注之水出新安縣東南流逕母
丘興墓東又南逕函谷關西關高險陁案近刻訛作峽路出
塵郭漢元鼎三年樓船將軍楊僕數有大功恥居關
外請以家僮七百人築塞徙關于新安即此處也昔
郭丹西入關感慨于其下曰不乘駟馬高車終不出

此關也去家十二年果如志焉阜澗水又東流入于

穀穀水又東北逕函谷關城東右合爽水

案近刻訛作合桑爽

之山海經曰白石山西五十里曰穀山其土多穀其

下多桑爽水出焉

案爽下近刻行之字

世謂之紵麻澗北流注

于穀

案此下近刻有山海經曰四字

其中多碧綠

案近刻脫綠字

穀水又東

澗水注之山海經曰婁涿山西四十里曰白石之山

澗水出焉北流注于穀

案山海經曰北流注于穀九字原本及近刻又見澗水注

內謂之八特坂下係重出行文

摯仲治三輔決錄注云馬氏兄弟五

人共居澗穀二水之交作五門客因舍以為名今在

河南西四十里以山海經推按里數不殊仲治所記

水會尚有故居處斯則澗水也即周書所謂我卜澗

水東言是水也

案此七十九字原本及近刻並訛在澗水注內上連山海經曰北流注于

穀九字接八特坂下今改正移于此又澗水東下近刻衍言水二字自下通謂澗水為

穀水之蕪稱焉

案謂下近刻衍之字

故尚書曰伊洛瀍澗既入

于河而無穀水之目是名亦通稱矣劉澄之云新安

有澗水源出縣北

案近刻訛作北縣

又有澗水未知其源余

考諸地記竝無淵水但淵澗字相似時有字錯為淵也故闕駟地理志曰禹貢之淵水是以知傳寫書誤字繆舛真澄之不思所致耳既無斯水何源之可求乎穀水又東波水注之山海經曰瞻諸山西三十里婁涿之山無草木多金玉波水出于其陰世謂之百答水

案世近刻訛作也

北流注于穀

案此下近刻有山海經曰四字

其中多

北石文石穀水又東少水注之山海經曰廐山西三十里曰瞻諸之山其陽多金其陰多文石少水出于

其陰控引衆溪積以成川東流注于穀世謂之慈澗也穀水又東俞隨之水注之山海經曰平蓬山西十里鹿山其陽多瑇瑁之玉俞隨之水出于其陰北流注于穀世謂之孝水也潘岳西征賦曰澡孝水以濯纓嘉美名之在茲是水在河南城西十餘里故呂忱曰孝水在河南而戴延之言在函谷關西劉澄之又云出檀山

案檀近刻訛作檀下同

檀山在宜陽縣西在穀水南

無南入之理

案上所引不言南入當有脫文

考尋茲說當承緣生述

征謬誌耳緣生從戎行旅征途訊訪既非舊土故無

所究今川瀾北注澄映泥濘何得言枯涸也

案上所引無枯

涸之語當有脫文 皆為䟽僻矣

東北過穀城縣北

城西臨穀水故縣取名焉穀水又東逕穀城南不歷

其北又東

案此下近刻行逕字

洛水枝流入焉今無水也

又東過河南縣北東南入于洛

河南王城西北

案近刻脫王字

穀水之右有石磧磧南出為

死穀北出為湖溝魏太和四年

案近刻訛作七年

暴水流高

三丈此地下停流以成湖渚造溝以通水東西十里

決湖以注瀝水穀水又逕河南王城西北

案近刻脫西字所

謂成周矣公羊曰成周者何東周也何休曰名為成

周者周道始成王所都也地理志曰河南河南縣故

邲鄆地也京相璠曰邲山名鄆地邑也卜年定鼎為

王之東都謂之新邑是為王城其城東南名曰鼎門

蓋九鼎所從入也故謂是地為鼎中楚子伐陸渾之

戎問鼎于此述征記曰穀洛二水本于王城東北合流所謂穀洛關也今城之東南缺千步世又謂之穀洛關處俱為非也余按史傳周靈王之時穀洛二水關毀王宮王將竭之太子晉諫王不聽遺堰三堤尚存左傳襄公二十五年齊人城郊穆叔如周賀韋昭曰洛水在王城南穀水在王城北東入于瀍至靈王時穀水盛出于王城西而南流合于洛兩水相格有似于關而毀王城西南也穎容著春秋條例言西城

梁門枯水處世謂之死穀是也始知緣生行中造次
入闕經究故事與實違矣考王封周桓公于是為西
周及其孫惠公封少子于鞏為東周故有東西之名
矣秦滅周以為三川郡項羽封申陽為河南王漢以
為河南郡王莽又名之曰保忠信卿案近刻訛作鄉光武都
洛陽以為尹尹正也所以董正京畿率先百郡也穀
水又東流逕乾祭門北案王城北門曰乾祭門子朝之亂晉所
開也東至千金竭河南十二縣境簿曰河南縣城東

十五里有千金塢洛陽記曰千金塢舊堰穀水魏時
更脩此堰謂之千金塢積石為塢而開溝渠五所謂
之五龍渠渠上立塢塢之東首立一石人石人腹上
刻勒云太和五年二月八日庚戌造築此塢更開溝
渠此水衡渠上其水助其堅也必經年歷世是故部
立石人以記之云爾蓋魏明帝脩王張故績也案明近刻
訛作文塢是都水使者陳協所造案此下近語林曰陳
協數進阮步兵酒後晉文王欲脩九龍堰阮舉協文

王用之掘地得古承水銅龍六枚堰遂成水歷竭東
注謂之千金渠逮于晉世大水暴注溝瀆泄壞又廣
功焉石人東脇下文云太始七年六月二十三日大

水迸瀑

案迸近刻訛作并

出常流上三丈蕩壞二竭五龍泄

水南注瀉下加歲久漱齧每澇即壞歷載消棄大功

今故無令竭

案近刻作今故為今竭朱謀埠云米本作捐棄大功故為今竭皆係後人臆改

更于西開泄名曰代龍渠地形正平誠得為泄至理
千金不與水勢激爭無緣當壞由其卑下水得踰上

漱齧故也今增高千金于舊一丈四尺五龍自然必
歷世無患若五龍歲久復壞可轉于西更開二塢二
渠合用二十三萬五千六百九十八功以其年十月
二十三日起功功重人少到八年四月二十日畢代
龍渠即九龍渠也後張方入洛破千金塢永嘉初汝
陰太守李矩汝南太守袁孚脩之以利漕運案近刻
脫此二
十一字 公私賴之水積年渠塢頽毀石砌殆盡遺基見
存朝廷太和中脩復故塢按千金塢石人西脇下文

云若溝渠久疏深引水者當于河南城北石磧西更

開渠北出使首狐丘

案近刻訛作孤立

故溝東下因故易就

磧堅便時事業已訖然後見之加邊方多事人力苦

少又渠竭新成未患于水是以不敢預脩通之若于

後當復興功者宜就西磧故書之于石以遺後賢矣

雖石磧淪敗故跡可憑準之于文北引渠東合舊瀆

舊瀆又東晉惠帝造石梁于水上

案梁近刻訛作渠

按橋西

門之南頰文稱晉元康二年十一月二十日改治石

蒼水門除豎枋更為函枋立作覆枋屋前後辟級續

石障使南北入岸築治湫處破石以為殺矣到三年

三月十五日畢訖

案近刻訛作記

并紀列門廣長深淺于左

右巷東西長七尺南北龍尾廣十二丈巷瀆口高三

丈謂之臯門橋

案臯近刻作臯下同

潘岳西征賦曰駐馬臯門

案近刻訛作林馬臯門

即此處也穀水又東又結石梁跨水制

城西梁也穀水又東左會金谷水水出太白原東南

流歷金谷謂之金谷水

案近刻脫谷字

東南流逕晉衛尉卿

石崇之故居

案此下近刻衍也字

石季倫金谷詩集叙曰余以

元康七年從太僕出為征虜將軍有別廬在河南界

金谷澗中有清泉茂樹衆果竹柏藥草備具

案近刻訛作蔽

翳金谷水又東南流入于穀穀水又東逕金墉城北

魏明帝于洛陽城西北角築之

案近刻脫金谷水至此句洛陽城止共二

十六

謂之金墉城

案此下近刻有魏文帝三字係衍文

起層樓于東北

隅晉宮閣名曰金墉有崇天堂即此地上架木為榭

故白樓矣

案白近刻訛作曰

皇居創徙宮極未就止蹕于此

構宵榭于故臺所謂臺以停停也南曰乾光門夾建

兩觀觀下列朱桁于塹以為御路東曰含春門北有

選門

案選近刻訛作退

城上西南列觀五十步一睥睨屋臺

置一鍾以和漏鼓西北建廡函蔭

案近刻脫函字

墉比廣榭

案比近刻訛作比

炎夏之日高視常以避暑

案朱謀埴云高視當作高歡考

道元以孝昌中死高寶賁之亂安得及神武時事魏書高祖紀嘗幸洛陽視乃祖字之訛為綠水

池一所在金墉者也穀水逕洛陽小城北因阿舊城

憑結金墉故向城也

案城近刻訛作地

永嘉之亂

案近刻脫之字結

以爲壘號洛陽壘

紫號下近刻有日字

故洛陽記曰陵雲臺西

有金市金市北對洛陽壘者也又東歷大夏門下

紫北

城之西頭曰大夏門夏廈通

故夏門也陸機與弟書云門有三層

高百尺魏明帝造門內東側際城有魏明帝所造景

陽山

紫明帝近刻訛作文帝下同

餘基尚存孫盛魏春秋曰景初

元年

紫近刻訛作黃初元年

明帝愈崇宮殿雕飾觀閣取白石

英及紫石英及五色大石于太行穀城之山起景陽

山于芳林園樹松竹草木捕禽獸以充其中于時百

役繁興

案時近刻訛作是

帝躬自掘土率羣臣三公已下莫

不展力山之東舊有九江陸機洛陽記曰九江直作

圓水水中作圓壇三破之夾水得相逕通東京賦曰

案近刻脫東京二字

淮龍芳林九谷八溪芙蓉覆水秋蘭被涯

案近刻訛作崖

今也山則塊阜獨立江無復髣髴矣穀水又

東案穀近刻訛作渠

枝分南入華林園歷疏圃南圃中有古

玉井井悉以珉玉為之以緇石為口

案緇近刻訛作鋤

工作

精密猶不變古璨焉如新又逕瑤華宮南

案近刻脫逕字

歷

景陽山北山有都亭

案有近刻
訛作在

堂上結方湖湖中起

御坐石也御坐前建蓬萊山曲池接筵飛沼拂席南

面射侯夾席武峙背山堂上則石路崎嶇巖嶂峻險

雲臺風觀纓帶阜遊觀者升降阿閣

案阿近刻
訛作耶

出

入虹陞望之狀鳧沒鸞舉矣其中引水飛阜

案近刻
訛作罩

傾瀾瀑布或枉渚聲溜潺潺不斷竹柏蔭于層石繡

薄叢于泉側微飈暫拂則芳溢于六空寔為神居矣

案寔近刻
訛作入

其水東注天淵池池中有魏文帝九華臺

案近刻訛作九華叢朱謀埠云當作九華殿基悉是殿考臺以黃初七年築臺殿原屬一地

洛中故碑累之今造釣臺于其上池南直魏文帝茅

茨堂

案直近刻訛作茨

前有茅茨碑是黃初中所立也其水

自天淵池東出華林園逕聽訟觀南故平望觀也魏

明帝常言獄天下之命也每斷大獄恆幸觀聽之以

太和三年更從今名觀西北接華林隸簿昔劉楨磨

石處也文士傳曰文帝之在東宮也宴諸文學酒酣

命甄后出拜

案出拜近刻訛作拜坐

坐者咸伏惟劉楨平視之

案近刻訛作平仰觀之

太祖以為不敬送徒隸簿後太祖乘步

牽車乘城降閱簿作諸徒咸敬而楨拒坐磨石不動

案拒坐未詳近刻作拒坐朱謀埠云一作匡坐

太祖曰此非劉楨也石如何

性楨曰石出荆山玄巖之下外炳五色之章內秉堅

貞之志雕之不增文磨之不加瑩稟氣貞正稟性自

然太祖曰名豈虛哉復為文學池水又東流入洛陽

縣之南池

案入近刻訛作于

池即故翟泉也南北百一十步

東西七十步皇甫謐曰悼王葬景王于翟泉今洛陽

太倉中大冢是也春秋定公元年晉魏獻子合諸侯
之大夫于翟泉始盟城周班固服虔皇甫謐咸言翟
泉在洛陽東北周之墓地今按周威烈王葬洛陽城
內東北隅景王冢在洛陽太倉中翟泉在兩冢之間
側廣莫門道東建春門路北路即東宮街也于洛陽
為東北後秦封呂不韋為洛陽十萬戶封大其城并
得景王冢矣是其墓地也及晉永嘉元年洛陽東北
步廣里地陷有二鵝出蒼色者飛翔冲天白色者止

焉陳留孝廉董養曰步廣周之翟泉盟會之地今色

蒼胡象矣其可盡言乎後五年劉曜王彌入洛帝居

平陽陸機洛陽記曰

案近刻脫陽字曰字

步廣里在洛陽城內

宮東是翟泉所在不得于太倉西南也京相璠與裴

司空彥季脩晉輿地圖作春秋地名亦言今太倉西

南池水名翟泉

案池近刻訛作地

又曰舊說言翟泉本自在

洛陽北萇弘城成周乃繞之

案近刻脫城字

杜預因其一證

謂必是翟泉

案近刻脫謂字

而即實非也後遂為東宮池晉

中州記曰惠帝為太子出聞蝦蟇聲問人為是官蝦蟇私蝦蟇侍臣賈盾對曰在官地為官蝦蟇在私地為私蝦蟇令曰若官蝦蟇可給廩先是有識云蝦蟇當貴昔晉朝收愍懷太子于後池即是池也其一水

自大夏門東逕宣武觀憑城結構不更增墉

案增近刻訛作

層左右夾列步廊參差翼跂南望天淵池北矚宣武

場竹林七賢論曰王戎幼而清秀魏明帝于宣武場

上為欄芭虎牙

案近刻訛作

使力士袒裼迭與之搏縱百

姓觀之戎年七歲亦往觀焉虎乘間薄欄而吼其聲震地觀者無不辟易顛仆戎亭然不動帝于門上見之使問姓名而異之場西故賈充宅地穀水又東逕

廣莫門北

案北城之東頭曰廣莫門

漢之穀門也北對芒阜

案芒阜古

字通

連嶺脩亘

案近刻訛作垣

芑總衆山始自洛口西踰平

陰悉芒壠也

案壠近刻訛作龍

魏志曰明帝欲平北芒令登

臺見孟津侍中辛毗諫曰若九河溢涌洪水為害丘

陵皆夷何以禦之帝乃止穀水又東屈南

案近刻訛作東出屋

南宋本南
訛作而

逕建春門石橋下

案東城之北
頭曰建春門

即上東門

也阮嗣宗詠懷詩曰步出上東門者也一曰上升門

晉曰建陽門百官志曰洛陽十二門

案二近刻
訛作一

每門

候一人

案近刻脫
每門二字

六百石東觀漢記曰郅憚為上東

門候光武嘗出夜還詔開門欲入憚不內上令從門

間識面憚曰火明遼遠遂拒不開由是上益重之亦

袁本初挂節處也橋首建兩石柱橋之右柱銘云陽

嘉四年乙酉壬申詔書以城下漕渠東通河濟南引

江淮方貢委輸所由而至使中謁者魏郡清淵馬憲
監作石橋梁柱敦敕工匠盡要妙之巧攢立重石累
高周距橋工路博流通萬里云云河南尹邳崇隗丞
渤海重合雙福水曹掾中牟任防史王蔭史趙興將
作吏睢陽申翔道橋掾成臯卑國洛陽令江雙丞平
陽降監掾王騰之主石作右北平山仲三月起作八
月畢成其水依柱又自樂里道屈而東出陽渠

案又近刻

訛作

昔陸機為成都王穎入洛敗北而返

案北近刻訛作此

水南即馬市

案此下近刻有也字

舊洛陽有三市斯其一也亦

嵇叔夜為司馬昭所害處也

案近刻脫亦字

北則白社故里

案此下近刻有也字

昔孫子荆會董威輦于白社謂此矣以同

載為榮故有威輦圖又東逕馬市石橋橋南有二石

柱竝無文刻也漢司空漁陽王梁之為河南也將引

穀水以溉京都渠成而水不流故以坐免後張純堰

洛以通漕

案以近刻訛作而

洛中公私穰贍

案近刻訛作懷贍

是渠

今引穀水蓋純之造也按陸機洛陽記劉澄之永初

記言城之西面有陽渠周公制之也昔周遷殷民于
洛邑城隍偏狹卑陋之所耳晉故城成周以居敬王
秦又廣之以封不韋以是推之非專周公可知矣亦
謂之九曲瀆河南十二縣境簿云

紫河上近刻衍
故字復脫境字

九

曲瀆在河南鞏縣西至洛南又按傳暢晉書云都
水使者陳狼鑿運渠從洛口入注九曲至東陽門是
以阮嗣宗詠懷詩所謂朝出上東門遙望首陽岑又
言遙遙九曲間裴徊欲何之者也陽渠水南暨閭闔

門案西城之北頭曰閤閤門漢之上西門者也漢宮記曰上西門

所以不純白者漢家厄于成故以丹鏤之太和遷都

徙門南側其水北乘高渠枝分上下歷故石橋東入

城逕望先寺中有碑碑側法子丹碑作龍矩勢案書中曰

雲矩曰螭矩曰龍矩凡屢見朱謀埠云當作龍距非也于今作則佳方古猶劣

渠水又東歷故金市南直千金門右案宮城西門曰千秋門宮

門也又枝流入石逗伏流注靈芝九龍池魏太和中

皇都遷洛陽經構宮極脩理街渠務窮隱發石視之

曾無毀壞又石工細密非今知所擬亦奇為精至也
遂因用之其一水自千秋門南流逕神虎門下東對
雲龍門二門衡楸之上皆刻雲龍風虎之狀以火齊
薄之及其晨光初起夕景斜輝霜文翠照陸離眩目

又南逕通門掖門西又南流東轉逕閭闔門南

案此乃宮

城正南門下云改雉門為閭闔門是也與前後所言閭闔門同名異地

案禮王有五門

謂臯門庫門雉門應門路門路門一曰畢門亦曰虎
門也魏明帝上法太極于洛陽南宮起太極殿于漢

崇德殿之故處改閭門為闔闔門昔在漢世洛陽宮
殿門題多是大篆言是蔡邕諸子自董卓焚宮殿魏
太祖平荊州漢吏部尚書安定梁孟皇善師宜官八
分體求以贖死太祖善其法常仰繫帳中愛翫之以
為勝宜官北宮榜題咸是鵠筆南宮既建明帝令侍
中京兆韋誕以古篆書之皇都遷洛始令中書舍人
沈含馨以隸書書之景明正始之年又敕符節令江
式以大篆易之今諸桁榜題皆是式書周官太宰以

正月懸治法于象魏廣雅曰闕謂之象魏風俗通曰
魯昭公設兩觀于門是謂之闕從門歛聲爾雅曰觀
謂之闕說文曰闕門觀也漢官典職曰偃師去洛四
十五里望朱雀闕其上鬱然與天連是明峻極矣洛
陽故宮名有朱雀闕白虎闕蒼龍闕北闕南宮闕也
東觀漢記曰更始發洛陽李松奉引車馬奔觸北闕
鐵柱門三馬皆死即斯闕也白虎通曰門必有闕者
何闕者所以飾門別尊卑也今閭闔門外夾建巨闕

以應天宿雖不如禮猶象而魏之

案而字近刻訛在上句上字之下

上加復思以易觀矣廣雅曰復思謂之屏釋名曰屏

自障屏也孛思在門外孛復也臣將入請事于此

案近

刻請訛作言

復重思之也漢末兵起壞園陵孛思曰無使

民復思漢也故鹽鐵論曰垣闕孛思言樹屏隅角所

架也穎容又曰闕者上有所失下得書之于闕所以

求論譽于人故謂之闕矣今闕前水南道右置登聞

鼓以納諫昔黃帝立明堂之議堯有衢室之問舜有

告善之旌禹有立鼓之訊湯有總街之誹武王有靈
臺之復皆所以廣設過誤之備也渠水又枝分夾路
南出逕太尉司徒兩坊間

紫出字近刻
訛在逕字下

謂之銅駝街

舊魏明帝置銅駝諸獸于閭闔南街陸機云駝高九

尺脊出太尉坊者也

紫脊近刻
訛作即

水西有永寧寺熙平

中始創也作九層浮圖浮圖下基方十四丈自金露

槃下至地四十九丈取法代都七級而又高廣之雖

二京之盛五都之富利剝靈圖未有若斯之構按釋

法顯行傳西國有爵離浮圖其高與此相狀東都西域俱為莊妙矣其地是曹爽故宅經始之日于寺院西南隅得爽窟室下入土可丈許

案土近地

刻作地壁悉累

方石砌之石作細密都無所毀其石悉入法用自非曹爽庸匠亦難復制此桓氏有言曹子丹生此豚犢信矣渠左是魏晉故廟地今悉民居無復遺墉也渠水又西歷廟社之間南注南渠廟社各以物色辨方周禮廟及路寢皆如明堂而有燕寢焉惟祧廟則無

案則近刻訛作別

後代通為一廟列正室于下無復燕寢之

制禮天子建國左廟右社以石為主祭則希冕今多

王公攝事王者不親拜焉咸寧元年

案寧近刻訛作陵

洛陽

大風帝社樹折青氣屬天元王東渡魏社代昌矣渠

水自銅駝街東逕司馬門南魏明帝始築闕崩壓殺

數百人遂不復築故無闕門南屏中舊有置銅翁仲

處金狄既淪故處亦褫惟壞石存焉自此南直宣陽

門經緯通達

案經近刻訛作徑

皆列馳道往來之禁一同兩

漢曹子建嘗行御街犯門禁以此見薄渠水又東逕
杜元凱所謂翟泉北今無水坎方九丈六尺深二丈
餘似是人工而不類于泉陂是驗非之一證也又皇
甫謐帝王世紀云王室定遂徙居成周小不受王都
故壞翟泉而廣之泉源既塞明無故處是驗非之二
證也杜預言翟泉在太倉西南既言西南于洛陽不
得為東北是驗非之三證也稽之地說事幾明矣不
得為翟泉也渠水歷司空府前逕太倉南出東陽門

石橋下

崇出東近刻
訛作東出

注陽渠穀水自閭闔門而南逕

土山東

崇此閭闔門乃上西門也近
刻訛作逕閭闔而南土山東

水西三里有坂

坂上有土山漢大將軍梁冀所成築土為山植木成

苑

崇木近刻
訛作林

張璠漢記曰山多峭坂以象二峭積金

玉採捕禽獸以充其中有人殺苑兔者迭相尋逐死

者十三人南出逕西陽門

崇正西曰
西陽門

舊漢氏之西明

門也亦曰雍門矣舊門在南太和中以故門邪出

崇邪

近刻訛
作卯

故徙是門東對東陽門穀水又南逕白馬寺

東晉漢明帝

案昔近刻訛作是

夢見大人金色項佩白光以

問羣臣或對曰西方有神名曰佛形如陛下所夢得
無是乎于是發使天竺寫致經像始以榆櫨盛經白
馬負圖表之中夏故以白馬為寺名此榆櫨後移在
城內愍懷太子浮圖中近世復遷此寺然金光流照
法輪東轉創自此矣穀水又南逕平樂觀東李尤平
樂觀賦曰乃設平樂之顯觀章祕偉之奇珍華嶠後
漢書曰靈帝于平樂觀下起大壇上建十二重五采

華蓋高十丈壇東北為小壇復建九重華蓋高九丈
列奇兵騎士數萬人天子住大蓋下禮畢天子躬擐
甲稱無上將軍行陣三市而還設祕戲以示遠人故
東京賦曰其西則有平樂都場示遠之觀龍雀蟠蜿
天馬半漢應劭曰飛廉神禽能致風氣古人以良金
鑄其象案近刻作形明帝永平五年長安迎取飛廉并銅
馬置上西門外平樂觀今于上西門外無他基觀惟
西明門外獨有此臺巍然廣秀疑即平樂觀也又言

皇女稚殤埋于臺側故復名之曰皇女臺晉灼曰飛

廉鹿身頭如雀有角而蛇尾豹文董卓銷為金用銅

馬徙于建始殿東階下胡軍喪亂此象遂淪穀水又

南逕西明門案西城南頭曰西明門近刻訛作西明門故廣陽門也門左

枝渠東派入城逕太社前又東逕太廟南又東于青

陽門右下注陽渠穀水又南東屈逕津陽門南案南城西

頭曰津陽門故津門也案近刻津下衍陽字昔洛水泛洸漂害者衆

案近刻漂下衍落字津陽城門校尉案近刻尉字將築以遏水諫議

大夫陳宣止之曰王尊臣也

案近刻宣訛作宜尊訛作遵

水絕其

足朝廷中興必不入矣水乃造門而退穀水又東逕

宣陽門南

案南城西頭次門曰宣陽門

故苑門也皇都遷洛移置

于此對閭闔門南直洛水浮桁故東京賦曰汭洛背

河左伊右瀍者也夫洛陽考之中土卜惟洛食寔為

神也

案此語有舛誤

門左即洛陽池處也池東舊平城門所

在矣今塞北對洛陽南宮

案洛近刻訛作南

故蔡邕曰平城

門正陽之門與宮連屬郊祀法駕所由從出門之最

尊者洛陽諸宮名曰南宮有諺臺臨照臺東京賦曰

其南則有諺門曲榭邪阻城洫

紫邪近刻
訛作依

注云諺門

冰室門也阻依也洫城下池也皆屈曲邪行依城池

為道故說文曰隍城池也有水曰池無水曰隍矣諺

門即宣陽門也門內有宣陽冰室周禮有冰人日在

北陸而藏之西陸朝覲而出之冰室舊在宣陽門內

故得是名門既擁塞冰室又罷穀水又逕靈臺北望

雲物也漢光武所築高六丈方二十步世祖嘗宴于

此臺得鼯鼠于臺上亦諫議大夫第五子陵之所居

倫少子也以清正

案朱諱璋云此下疑脫為郡功曹四字

洛陽無主人

鄉里無田宅寄止靈臺或十日不炊司隸校尉南陽

左雄尚書廬江朱孟興等皆倫故孝廉功曹

案近刻脫皆倫

二各致禮餉竝辭不受永建中卒穀水又東逕平昌

門南

案正南門曰平昌門

故平門也又逕明堂北漢光武中元

元年立尋其基構上圓下方九室重隅十二堂蔡邕

月令章句同之故引水于其下為辟雝也穀水又東

逕開陽門南

案南城東頭曰開陽門

晉宮閣名曰故建陽門也

漢官曰

案漢官下朱謀埠云宋本有儀字

開陽門始成未有名宿昔

有一柱來在樓上琅琊開陽縣上言縣南城門

案近刻脫

縣字

一柱飛去光武皇帝使來識視良是遂堅縛之

案縛

近刻訛作傳

因刻記年月日以名焉何湯字仲弓

案此五字近刻

訛作湯仲弓三字

嘗為門候上微行夜還湯閉門不納朝廷

嘉之又東逕國子太學石經北周禮有國學教成均

之法學記曰古者家有塾黨有庠遂有序國有學亦

有虞氏之上庠下庠夏后氏之東序西序殷人之左

學右學

案近刻脫此二字

周人之東膠虞庠王制曰養國老

于上庠養庶老于下庠故有太學小學教國之子弟

焉謂之國子漢魏以來置太學于國子堂東漢靈帝

光和六年刻石鏤碑載五經立于太學講堂前悉在

東側蔡邕以熹平四年

案熹平刻訛作嘉

與五官中郎將堂

谿典光祿大夫楊賜諫議大夫馬日磧議郎張馴韓

說太史令單飈等

案近刻脫楊賜諫議大夫馬日磧字又碑訛作彈馴訛作訓

奏

求正定六經文字靈帝許之邕乃自書丹于碑使工
鐫刻立于太學門外于是後儒晚學咸取正焉及碑
始立其觀視及筆寫者車乘日千餘輛填塞街陌矣
今碑上悉銘刻蔡邕等名魏正始中又立古篆隸三
字石經古文出于黃帝之世倉頡本鳥跡為字取其
孳乳相生故文字有六義焉自秦用篆書焚燒先典
古文絕矣魯恭王得孔子宅書不知有古文謂之科
斗書蓋因科斗之名遂效其形耳言大篆出于周宣

之時史籀創著平王東遷文字乖錯秦之李斯及胡毋敬又改籀書謂之小篆故有大篆小篆焉然許氏字說專釋于篆而不本古文言古隸之書起于秦代

而篆字文繁無會劇務

案近刻訛作燕會劇者

故用隸人之省

謂之隸書或云即程邈于雲陽增損者是言隸者篆捷也孫暢之嘗見青州刺史傳弘仁說臨淄人發古冢得桐棺前和外隱為隸字言齊太公六世孫胡公之棺也惟三字是古餘同今書證知隸自出古非始

于秦魏初傳古文出邯鄲淳石經古文轉失淳法樹

之于堂西石長八尺廣四尺列右于其下碑石四十

八枚

案十近刻訛作千

廣三十丈魏明帝

案近刻訛作文帝

又刊典

論六碑附于其次陸機言太學贊別一碑在講堂西

下列石龜碑載蔡邕韓說堂谿典等名

案近刻訛作高堂谿等名

太學弟子贊復一碑在外門中今二碑竝無石經東

有一碑是漢順帝陽嘉元年立

案元近刻訛作八

碑文云建

武二十七年造太學年積毀壞永建六年九月詔書

脩太學刻石記年用作工徒十一萬二千人

案近刻作字在

工字下

陽嘉元年八月作畢

案元近刻訛作九

碑南面刻頌表

裏鏤字猶存不破漢石經北有晉辟雖行禮碑是太

始二年立其碑中折但世代不同物不停故石經淪

缺存半毀幾駕言永久諒用憮焉考古有三雖之文

今靈臺太學竝無辟雖處晉永嘉中王彌劉曜入洛

焚毀二學尚髣髴前基矣穀水于城東南隅枝分北

注逕青陽門東

案東城南頭曰青陽門

故清明門也亦曰稅門

亦曰芒門又北逕東陽門東

案正東門曰東陽門

故中東門也

又北逕故太倉西洛陽地記曰大城東有太倉倉下
運船常有千計即是處也又北入洛陽溝穀水又東
左迤為池又東右出為方湖東西百九十步南北七
十步故水衡署之所在也穀水又東南轉屈而東注
謂之阮曲云阮嗣宗之故居也穀水又東注鴻池陂
百官志曰鴻池池名也在洛陽東二十里丞一人二
百石池東西千步南北千一百步四周有塘池中又

有東西橫塘水溜徑通

紫徑近刻訛作逕

故李尤鴻池陂銘

曰鴻澤之陂聖王所規開源東注

紫源近刻訛作水朱謀埤云舊本作

又出自城池也其水又東左合七里澗晉後畧曰成

都王穎使吳人陸機為前鋒都督伐京師輕進為洛

軍所乘

紫近刻訛作為治軍所處

大敗于鹿苑人相登躡死于塹

中及七里澗澗為之滿即是澗也澗有石梁即旅人

橋也昔孫登不欲久居洛陽知楊氏榮不保終思欲

遜跡林鄉隱淪妄死

紫妄近刻訛作忘

楊駿埋之于此橋之

東駿後尋亡矣搜神記曰太康末京洛始為折楊之歌有兵革辛苦之辭駿後被誅太后幽死折楊之應也

紫楊下近刻行為字

凡是數橋皆累石為之亦高壯矣制作

甚佳雖以時往損功而不廢行旅朱超石與兄書云橋去洛陽宮六七里悉用大石下圓以通水可受大

舫過也

紫此下近刻有奇制作三字係行文

題其上云太康三年十一

月初就功日用七萬五千人至四月末止此橋經破落復更脩補今無復文字陽渠水又東流逕漢廣野

君酈食其廟南

案殺水自閭闔門而南以下並陽渠水原本及近刻獨此處及下逕毫殷

忽兩稱陽渠後復稱穀水考其地相比次非有錯索而稱名參差或後人臆改使然今姑仍之廟在

北山上成公綏所謂偃師西山也山上舊基尚存廟

宇東向

案近刻作東面

門有兩石人對倚北石人曾前銘云

門亭長石人西有二石闕雖經頽毀猶高丈餘闕西

即廟故基也基前有碑文字剥缺不復可識子安仰

澄芬于萬古讚清徽于廟像文字厥集矣陽渠水又

東逕毫殷南昔盤庚所遷改商曰殷此始也班固曰

尸鄉故殷湯所都者也故亦曰湯亭薛瓚漢書注皇

甫謚帝王世紀竝以為非以為帝嚳都矣晉太康記

地道記

紫近刻訛作晉太康地理記

竝言田橫死于是亭故改曰

尸鄉非也余按司馬彪郡國志以為春秋之尸氏也

其澤野負原夾郭多墳隴焉即陸士衡會王輔嗣處

也袁氏王陸詩序機初入洛次河南之偃師時忽結

陰望道左若民居者因往逗留見一少年姿神端遠

與機言玄機服其能而無以酬折前致一辯

紫近刻訛作前

至一機題緯古今綜檢名實此少年不甚欣解將曉

辯文去稅駕逆旅姬曰君何宿而來自東數十里無村落

止有山陽王家墓

案止近刻訛作上

機乃怪悵還睇昨路空

野霾雲攢木蔽日知所遇者審王弼也此山即祝雞

翁之故居也搜神記曰祝雞翁者

案近刻脫祝字

洛陽人也

居尸鄉北山下養雞百年餘雞至千餘頭皆有名字

欲取呼之名則種別而至後之吳山莫知所去矣穀

水又東逕偃師城南皇甫謐曰帝嘗作都于亳偃師

是也王莽之所謂師氏者也穀水又東流注于洛水矣

甘水出弘農宜陽縣鹿蹠山

山在河南陸渾縣故城西北俗謂之縱山水之所導

發于山曲之中故世人目其所為甘掌焉

案掌近刻訛作棠

東北至河南縣南北入洛

甘水發源東北流北屈逕一故城東在非山上世謂

之石城也京相璠曰或云甘水西山上夷汙而平

案夷

汗近刻訛
作夢汁

有故甘城在河南城西二十五里指謂是

城也余按甘水東十許里洛城南有故甘城焉北對

河南故城世謂之鑒洛城鑒甘聲相近即故甘城也

為王子帶之故邑矣是以昭叔有甘公之稱焉甘水

又與非山水會水出非山東谷東流入于甘水甘水

又于河南城西北入洛經言縣南非也

案此下近京
刻衍故字

相璠曰今河南縣西南

案近刻重河南二字
脫西南二字

有甘水北

入洛斯得之矣

漆水出扶風杜陽縣俞山東北入于渭

山海經曰獫狁之山漆水出焉北流注于渭蓋自北

而南矣尚書禹貢太史公禹本紀云導渭水東北至

涇又東過漆沮入于河

案近刻過訛作涇河訛作洛

孔安國曰漆

沮一水名矣

案今書傳作二水名

亦曰洛水也出馮翊北周太

王去邠度漆踰梁山

案近刻訛作上

止岐下故詩云民之初

生自土沮漆

案近刻訛作漆沮

又曰率西水潏至于岐下是

符禹貢本紀之說許慎說文稱漆水出右扶風杜陽

縣岐山東入渭從水泰聲又云一曰漆城池也潘岳

關中記曰關中有涇渭灞澇鄠鄠漆沮之水鄠鄠漆

沮四水在長安西南鄠縣漆沮皆南注

案近刻脫漆沮南三字

鄠鄠水北注

案此下近刻有渭字

開山圖曰麗山西北有溫池

案近刻訛作地朱謀瑋云吳本改作池考永樂大典內已作溫池非吳氏改也

溫池西南八

十里岐山

案近刻訛作川

在杜陽北

案近刻訛作在杜陵埤

長安西有

渠謂之漆渠班固地理志云漆水在漆縣西

案在近刻訛作

出關駟十三州志又云漆水出漆縣西北至岐山

案近

剌脫至字

東入渭今有水出杜陽縣岐山北漆溪謂之漆渠西南流注岐水但川土奇異今說互出考之經史各有所據識淺見浮無以辨之矣

澧水出京兆藍田谷北入于灊

地理志曰澧水出南陵縣之藍田谷西北流與一水合水出西南莽谷東北流注澧水澧水又北歷藍田川北流注于灊水地理志曰澧水北至霸陵入霸水沮水出北地直路縣東過馮翊殺胡縣北東入于洛

地理志曰沮出直路縣西東入洛

案近刻訛作出
畿縣西東入洛

今

水自直路縣東南逕譙石山

案譙近
刻作煇

東南流歷檀臺

川俗謂之檀臺水屈而夾山西流又西南逕宜君川

世又謂之宜君水又得黃嶽水口水西北出雲陽縣

石門山黃嶽谷東南流注宜君水又東南流逕祓祠

縣故城西縣以漢景帝二年置

案朱謀埠云朱本以
下有溪名二字今以

文義考之
乃衍文其水南合銅官水水出縣東北

案近刻脫
縣字又此

句之下
衍而字西南逕銅官川謂之銅官水又西南流逕祓

裊縣東西南流逕其城南原下而西南注宜君水宜
君水又南出土門山西又謂之沮水又東南歷土門
南原下東逕懷德城南城在北原上又東逕漢太上
皇陵北陵在南原上沮水東注鄭渠昔韓欲令秦無
東伐使水工鄭國間秦鑿涇引水謂之鄭渠渠首上
承涇水于中山西邸瓠口案近刻脫邸字所謂瓠中也爾雅
以為周焦穫矣為渠竝北山案近刻脫為字東注洛三百餘
里欲以溉田中作而覺秦欲殺鄭國案近刻脫而字秦字鄭國

曰案近刻脫鄭國二字

始臣為問然渠亦秦之利

案近刻渠下有成字

卒

使就渠渠成而用注填闕之水溉澤鹵之地四萬餘

頃

案近刻脫之地二字

皆晦一鍾關中沃野無復凶年秦以富

彊卒并諸侯命曰鄭渠渠瀆東逕宜秋城北又東逕

中山南河渠書曰鑿涇水自中山西

案近刻訛作而

封禪書

漢武帝獲寶鼎于汾陰將薦之甘泉鼎至中山氤氲

有黃雲蓋焉徐廣史記音義曰關中有中山非冀州

者也指證此山俗謂之仲山非也鄭渠又東逕捨車

宮南絕治谷水

案治近刻訛作治

鄭渠故瀆又東逕戡薛山

南池陽縣故城北又東絕清水又東逕北原下濁水

注焉自濁水以上今無水

案近刻脫今字水字

濁水上承雲陽

縣東大黑泉東南流謂之濁谷水又東南出原注鄭

渠又東歷原逕曲梁城北又東逕太上陵南原下北

屈逕原東與沮水合分為二水一水東南出即濁水

也至白渠與澤泉合俗謂之漆水又謂之為漆沮水

絕白渠東逕萬年縣故城北為櫟陽渠城即櫟陽宮

也漢高帝葬皇考于是縣起墳陵署邑號改曰萬年也地理志曰馮翊萬年縣高帝置王莽曰異赤也故徐廣史記音義曰櫟陽今萬年矣闕駟曰縣西有涇

渭北有小河謂此水也

葉謂近刻訛作渭

其水又南屈更名


石川水又西南逕郭穰城西與白渠枝渠合又南入于渭水也其一水東出即沮水也東與澤泉合水出沮東澤中與沮水隔原相去十五里俗謂是水為漆水也東流逕薄昭墓南冢在北原上又逕懷德城北

東南注鄭渠合沮水又自沮直絕注濁水至白渠合
焉故濁水得漆沮之名也沮循鄭渠東逕當道城南
城在頻陽縣故城南頻陽宮也秦厲公置城北有頻
山山有漢武帝殿以石架之縣在山南故曰頻陽也
應劭曰縣在頻水之陽今縣之左右無水以應之所
可當者惟鄭渠與沮水又東逕蓮芍縣故城北十三
州志曰縣以草受名也沮水又東逕漢光武故城北
又東逕粟邑縣故城北王莽更名粟城也後漢封騎

都尉耿夔為侯國其水又東北流注于洛水也

案近刻作

矣



水經注卷十六